

Lëtzebuerg, den 3. August 2023

Här Fernand ETGEN  
Chamberspräsident  
LËTZEBUERG



DEMOKRATESCH  
PARTEI

Chambre des Députés  
Groupe Parlementaire

Här President,


Esou ewéi den Artikel 80 vum Chambersreglement et virgesäit,  
biede mir Iech, dës parlamentaresch Fro un den Här Minister fir  
Mobilitéit an öffentlech Aarbechten weiderzeleeden:

*„Et ass eis zu Oueren komm, dass verschidde Jeeër der Meenung  
sinn, dass d’Vitesse op de Stroosse während den Dréckjuegden soll  
kënne verpflichtend reduzéiert ginn. Et kann jo mol virkommen,  
dass Wëld während der Dréckjuegd z.B. op eng öffentlech Strooss  
oder eng Autobunn flücht. D’Zil wier ze verhënneren, dass  
Automobilisten oder Kläpper duerch schwéier, oder souguer  
déidlech, Accidenter zu Schued kommen.*

*An deem Kontext wollte mer den Här Mobilitéitsminister  
Folgendes froen:*

- *Gëtt et eng Statistik iwver Accidenter, déi am virgenannten  
Zesammenhang stattfonnt hunn?*
- *Bestinn momentan Pläng fir eng Vitessereduktioun op de  
Stroosse bei enger Dréckjuegd anzefëieren?“*

Mat déiwem Respekt,

  
Guy Arendt  
Deputéierten

  
Gusty Graas  
Deputéierten

9, rue du St. Esprit  
B.P. 510  
L-2015 Luxembourg

Tel. : 22 41 84 1  
Fax : 47 10 07

dp@dp.lu  
www.dp.lu